

百宋樓藏書志

加2  
796  
21



門 4 2  
第 796  
卷 21



前宋樓藏書志卷六十八

存齋雜纂之六

歸安陸心源剛甫編

集部

別集類二

東臯子集三卷附錄一卷

舊抄本

唐太原王績無功

撰

呂才序

陸淳刪東臯子集序

吳氏手跋曰庚子初冬於鮑以文丈處見宋槧本凡五卷視此增多三十餘篇惜未假得校補

書此以俟十八日延陵吳翌鳳記

寒山子詩一卷豐干拾得詩一卷毛氏影宋本

**唐僧寒山豐干拾得撰**

閻正胤序

案此汲古影宋本也每葉二十一行行十八字光緒己卯以番銀五枚得之吳市蓋何心耘博士舊藏也端陽前五日以舊藏廣州刊本及全唐詩校一過全唐詩即從此本出卷末怡然居憇地日以下缺亦同廣州本字句固多不同少詩八首非善本也惟此本序缺首葉遂照廣州本

補錄于前

王子安集十六卷附錄一卷明抄本

**唐王勃撰**

楊炯序

楊盈川集十卷附錄一卷明刊本

唐華陰楊炯撰

盧昇之集七卷舊抄本

唐范陽盧照鄰昇之撰 前有新舊書列傳

駱賓王文集十卷明刊本

**唐駱賓王撰**

文禁楚引

陳子昂文集十卷

明嘉靖刊本

徐興公舊藏

**唐陳子昂撰**

盧藏用序

陳伯玉文前集五卷後集五卷

明正德刊本

**唐陳子昂撰**

盧藏用序

張說之文集二十五卷

明刊本

**唐張說撰**

前有墓誌銘

張九齡撰

唐丞相曲江張先生文集二十卷附錄一卷

明成化刊本

**唐張九齡撰**

邱濬重刊序

成化九年

唐丞相曲江張先生文集二十卷附錄一卷

明萬曆刊本

**唐張九齡撰**

王民順序

萬曆十二年

楊起元序

萬曆十二年

柳希點序

萬曆二十七年

王循學後序

萬曆庚子

蔣杰序

萬曆戊戌

杜審言集二卷

明初活字本

葉石君舊藏

唐杜審言撰

襄陽杜審言字必簡嘗爲吉州司戶今戶曹趙君彥清旁搜遠摭得其詩四十三首將刻棗以傳好事且以爲戶廳之寶玉大弓屬余序之余觀必簡之詩若牽絲紫蔓長卽其孫甫水荇牽風翠帶長之句也若鶴子曳童衣卽儒衣山鳥怪之句也若雲陰送晚雷卽雷聲忽送千峰雨之句也若風光新柳報冥賞落花催卽星霜立鳥變身世白駒催之句也余不知祖孫之相似其有意乎抑亦偶然乎至如往來花不廢新舊

雪仍殘如日氣抱殘虹如愁思看春不當春明年春色倍還人如飛花攪獨愁皆佳句也三世之後莫之與京宜哉乾道庚寅冬十月甲辰廬陵楊萬里序

李嶠雜詠二卷

東洋刊本

唐李嶠撰

張庭芳序

岑嘉州詩集七卷

明正德刊本

謝在杭舊藏

唐岑參著

杜確序

熊相序

正德十五年

邊貢題

擘經室外集曰岑嘉州集八卷唐岑參撰參南陽人爲文本曾孫天寶三載趙岳榜第二人及第累官右補闕起居郎出爲虢州長史及嘉州刺史杜鴻漸表薦安西幕府拜職方郎中兼侍御史事蹟詳唐才子傳案岑詩律健整非晚唐纖碎可比方回云學杜詩當先觀工部集中所稱詠敬歎及交遊倡酬者其稱詠敬歎則如蘇武李陵陶潛諸人其交遊倡酬則如李白高適

岑參之類杜確序亦稱岑每一篇絕筆則人人傳寫雖閭里士庶莫不諷誦吟習焉其卷帙之數唐書藝文志及崇文總目通考經籍考通志藝文略焦竑經籍志並云十卷文淵閣書目則云四冊闕是編與杜確序合然如瀛奎律髓所載同崔十三侍御灌口夜宿報恩寺作爲此本所佚疑非唐人舊冊矣

李太白文集三十卷

北宋蜀刊本

王敬美舊藏

唐李白撰

李陽冰草堂集序

魏顯李翰林集序

咸平元年

樂史李翰林別集序

李革李君墓誌銘

范傳正李公新墓碑

裴敬李公墓碑

唐李陽冰序李白草堂集十卷云當時著述十喪其九咸平中樂史別得白歌詩十卷合爲李翰林集二十卷凡七百七十六篇史又纂雜著爲別集十卷治平元年得王文獻公傅家藏白詩集上中二帙凡廣二百四篇惜遺其下帙熙

甯元年得唐魏萬所纂白詩集二卷凡廣四十四篇因哀唐類詩諸編洎刻石所傳別集所載者又得七十七篇無慮千篇沿舊日而釐正其彙次使各相從以別集附於後凡賦表書序碑頌記銘讚文六十五篇合爲三十卷同舍呂縉叔出漢東紫陽先生碑而殘缺間莫能辨不復收云夏五日晦常山宋敏求題

臨川晏公知止字處善守蘇之明年政成暇日出李翰林詩以授於漸曰白之詩歷世浸久所傳之集率多訛缺予得此本最爲完善將欲鏤

板以黃其傳漸竊謂李詩為人所尚以宋公編類之勤而曾公考次之詳世雖甚好不可得而悉見今晏公又能鑊板以傳使李詩復顯於世寔三公相與成始而成終也元豐三年夏四月信安毛漸校正謹題

案此北宋蜀刊本每葉二十二行每行二十字版心有六七四一等字即百宋一廬賦中所謂翰林歌詩古香溢紙據染亂真對此色死者也卷中有徐乾學印白文方印健菴二字白文方印崑山徐氏家藏朱文長印錢氏南金朱文方

印錢應庚白文方印王杲之印王氏敬美白文兩方印百宋一廬朱文長印

李翰林集三十卷

宋咸淳刊本

唐翰林供奉李白

附唐書本傳

李陽冰草堂集序

寶應元年

魏顥序

曾鞏序

樂史李翰林別集序曰李翰林歌詩李陽冰纂為草堂集十卷史又別收歌詩十卷與草堂集互有得失因校勘排為二十卷號曰李翰林集



百宋樓藏書志 卷之十一  
今於三館中得李白賦序表讚書頌等亦排爲十卷號曰李翰林別集翰林在唐天寶中賀祕監聞於明皇帝召見金鑾殿降輦步迎如見綺皓草和蕃書思若懸河帝嘉之七寶方丈賜食於前御手調羹於是置之金鑾殿出入翰林中其諸事跡草堂集序范傳正撰新墓碑亦略而詳矣史又撰李白傳一卷事又稍周然有三事近方得之開元中禁中初重木芍藥卽今牡丹也開元天寶花木記云禁中呼木芍藥爲牡丹得四本紅紫淺紅通白者上因移植於興慶池東沈香亭前會花方

繁開上乘照夜車太真妃以步輦從詔選梨園弟子中尤者得樂一十六色李龜年以歌擅一時之名手捧檀板押眾樂前將欲歌之上曰賞名花對妃子焉用舊樂辭焉遽命龜年持金花牋宣賜翰林供奉李白立進清平調詞三章白欣然承詔旨猶若宿醒未解因援筆賦之其一曰雲想衣裳花想容春風拂檻露華濃若非群玉山頭見會向瑤臺月下逢其二曰一枝紅艷露凝香雲雨巫山枉斷腸借問漢宮誰得似可憐飛燕倚新粧其三曰名花傾國兩相歡長

得君王帶笑着解釋春風無限恨沈香亭北倚  
闌干龜年以歌辭進上命梨園弟子略約調撫  
絲竹遂促龜年以歌之太真妃持頗黎七寶杯  
酌西涼州蒲萄酒笑領歌辭意甚厚上因調玉  
笛以倚曲每曲徧將換則遲其聲以媚之太真  
妃飲罷歛綉巾重拜上自是顧李翰林尤異於  
諸學士會高力士終以脫靴爲深恥異日太真  
妃重吟前辭力士曰始爲妃子怨李白深入骨  
髓何翻拳拳如是耶太真妃因驚曰何翰林學  
士能欲辱人如斯力士曰以飛燕指妃子賤之

甚矣太真妃頗深然之上嘗三欲命李白官卒  
爲宮中所捍而止白嘗有知鑑客并州識汾陽  
王郭子儀於行伍間爲脫其刑責而獎重之及  
翰林坐永王之事汾陽功成請以官爵贖翰林  
上許之因而免誅翰林之知人如此汾陽之報  
德如彼白之從弟令問嘗目白曰兄心肝五臟  
皆錦綉耶不然何開口成文揮翰霧散且傳中  
漏此三事今書於序中白有歌云吟詩作賦北  
窻裏萬言不及一杯水蓋歎乎其時而無其  
位嗚呼以翰林之才名遇玄宗之知見而乃飄

零如是宋中丞荐於聖眞云一命不霑四海稱  
屈得非命歟白居易贈劉禹錫詩云詩稱國手  
徒爲爾命壓人頭不奈何斯言不虛矣凡百有  
位無自輕焉撰集之次聊存梗概而已時在繞  
雷州中咸平元年三月三日序

予一日與同舍劉辰翁會孟評詩至太白會孟  
曰且止當塗稱太白太白且其詩安在予於是  
曉然媿於其言蓋舊刻之不存雷電取將久矣  
予爲學官修復經始每每不暇給抑豈不可後  
顧將去此獨不能爲太白一日之役以藏不朽

孰有如子之汨且陋乎明日以告古心公公喟  
然曰歲晚矣奈何吾成子之志亟爲之則裨凡  
費集眾工不足則布之諸郡不兩月而集集成  
而公亦召矣或謂白雖天才了不可莊語少刪  
之其庶幾乎會孟曰不然近年甫有此論子美  
退之所不敢聞也詩患不深於情今人地稱脫  
鞞脫鞞直偶然固不自以爲高高固不可及彼  
無所擇自不害其超然耳予愛其言有理因復  
識之是集多趙同舍崇鑿養大所校正咸淳已  
已三月望天台戴覺民希尹書

案此南宋刊本每頁二十行每行二十字每卷有目連屬正文

分類補注李太白詩二十五卷 元刊元印本

**宋**春陵楊齊賢子見集注 **元**章貢蕭士贊粹可

補注 目錄後有建安余氏勤有堂刊木印是

頁板心有至大辛亥三月印一條

李陽冰序 寶應元年

樂史後序 咸平元年

翰林李君碣記 劉全白撰 貞元六年

宋敏求題後

曾鞏後序

毛漸跋 元豐三年

李太白年譜 薛仲邕編

案此元刊元印本每葉二十四行每行二十字小字雙行每行二十六七字不等小黑口

分類補註李太白詩三十卷 明嘉靖癸卯郭雲鵬刊本

**宋**春陵楊齊賢子見集注 **元**章貢蕭士贊粹可

補注

李陽冰序 寶應二年

樂史序 咸平元年

墓誌 李華撰

墓碣記 劉全白撰

宋敏求題後

曾鞏序

杜工部集二十卷附補遺

影寫宋刊本 汲古閣舊藏

**唐**前劍南節度參謀宣議郎檢校尚書工部員

外郎賜緋魚袋京兆杜甫撰宋王洙編

案凡詩十八卷雜著二卷後附遺文九篇為補

遺元稹墓銘附二十卷末均與直齋書錄解題

合蓋即王原叔編定本也杜集以吳若本為最

善此又若本之祖中遇宋諱皆缺筆板心有刻  
工姓名如張逢史彥余青吳圭等名蓋從宋雕  
本影寫

敘曰杜甫字子美襄陽人徙河南鞏縣曾祖依  
藝鞏令祖審言膳部員外郎父閑奉天令甫少  
不羈天寶中獻三賦召試文章授河西尉辭不  
行改右衛率府胄曹天寶末以家避亂卽獨轉  
陷賊中至德二載竄歸鳳翔謁肅宗授左拾遺  
詔許至鄜迎家明年收京扈從還長安房琯罷  
相甫上疏論琯有才不宜廢免肅宗怒貶琯邠

百宋樓藏書志 卷六十八  
州刺史出甫為華州司功屬關輔饑亂棄官之  
秦州又居成都同谷自負薪採柎舖糒不給遂  
入蜀卜居成都浣花里復適東川久之召補京  
北府功曹以道阻不赴欲如荆楚上元二年間  
嚴武鎮成都自閬挈家往焉武歸朝廷甫浮遊  
左蜀諸郡往來非一武再鎮兩川奏為節度參  
謀檢校工部員外郎賜緋永泰元年夏武卒郭  
英乂代武崔旰殺英乂楊子琳柏貞節舉兵攻  
旰蜀大亂甫逃至梓州亂定歸成都無所依乃  
泛江遊嘉戎次雲安移夔州大歷三年春下峽

至荆南又次公安入湖南泝沔湘流遊衡山寓  
居耒陽嘗至嶽廟阻暴水旬日不得食耒陽攝  
令知之自具舟迎還五年夏一夕醉飽卒年五  
十有九觀甫詩與唐實錄猶槩見事迹比新書  
列傳彼為躋駁傳云召試京兆兵曹而集有官  
定後戲贈詩注云自授河西尉  
辭改右衛率府胄曹傳云遁赴河西謁肅宗於  
彭原而集有喜達行在詩註云自京竄至鳳翔  
傳云嚴武卒乃遊東蜀依高適既至而適卒按  
適自東川入朝拜散騎常侍乃卒又集有忠州  
聞高常侍亡詩傳云扁舟下峽未維舟而江陵  
亂乃游襄衡而集有居江陵及公安詩至多傳  
云甫永泰二年卒而集有大歷五年正月甫集  
追酬高蜀州寄詩及別題大歷年者數篇甫集  
初六十卷今祕府舊藏通人家所有稱大小集

者皆亡逸之餘人自編摭非當時第敘矣蒐哀

中外書凡九十九卷

古本二卷蜀本二十卷集略十五卷樊晃序小集六

卷孫光憲序二十卷鄭文寶序少陵集二卷除其

十卷別題小集二卷孫僅二卷雜編三卷重複定取千四百有五篇凡古詩三百九十有

九近體千有六起太平時終湖南所作視居行

之次與歲時為先後分十八卷又別錄賦筆雜

著二十九篇為二卷合二十卷意茲未可謂盡

他日有得尚圖益諸寶元二年十月翰林學士

兵部郎中知制誥史館修撰王洙原叔記

近世學者爭言杜詩愛之深者至剽掠句語迨

所用險字而模畫之沛然自以絕洪流而窮深

源矣又人人購其亡逸多或百餘篇小數十句

藏去矜大復自以為有得翰林王君原叔尤嗜

其詩家素畜先唐舊集及採祕府名公之室天

下士人所有得者悉編次之事具于記於是杜

詩無遺矣子美博聞稽古其用事非老儒博士

罕知其自出然訛缺久矣後人妄改而補之者

眾莫之遏也非原叔多得其真為害大矣子美

之詩詞有近質者

如麻鞋見天子垢膩脚不韞之句

所謂轉石

於千仞之山勢也學者尤效之而過甚豈遠大

者難窺乎然夫子之刪詩也至于檜曹小國寺  
人女子之詩苟中法度咸取而弦歌善言詩者  
豈拘於人哉原叔雖自編次余病其卷帙之多  
而未甚布暇日與蘇州進士何君瑑丁君脩得  
原叔家藏及古今諸集聚于郡齋而參考之三  
月而後已義有兼通者亦存而不敢削閱之者  
固有淺深也而又吳江邑宰河東裴君煜取以  
覆視乃益精密遂鏤于版庶廣其傳或俾余序  
于篇者曰如原叔之能文稱于世止作記于後  
予竊慕之且余安知子美哉但本末不可闕書

故槩舉以附于卷終原叔之文今遷于卷首云  
嘉祐四年四月望日姑蘇郡守太原王琪後記  
毛氏手跋曰先君昔年以此編授展曰此杜工  
部集乃王原叔洙本也余借得宋板命蒼頭劉  
臣影寫之其筆畫雖不工然從宋本抄出者今  
世行杜集不可以計數要必以此本爲祖也汝  
其識之展受書而退開卷細讀原叔記云甫集  
初六十卷今祕府舊藏通人家所有稱大小集  
者人自編摭非當時第次乃搜裒中外書九十  
九卷除其重複定取一千四百有五篇起太平



時終湖南所作視居行之次若歲時爲先後分  
十八卷又別錄賦筆雜著二十九篇爲二卷合  
二十卷寶元二年十月記二十卷末有嘉祐四  
年四月望日姑蘇郡守王琪後記此後又有補  
遺六葉其東西兩川說僅存六行而缺其後而  
第十九卷首缺二葉辰方知先君所借宋刻乃  
王郡守鏤板於姑蘇郡齋者深可寶也謹什襲  
而藏之後二十餘年吳興賈人持宋刻殘本二  
冊來售第一卷僅存首三葉十九卷亦缺二葉  
補遺東西兩川說亦止存六行其行數字數悉

同乃卽先君當年所借原本也不覺悲喜交集  
急購得之但不得善書者成此美事且奈何又  
二十餘年有甥王爲玉者教導其影宋甚精覓  
舊紙從此本影寫而足成之嗟乎先君當年之  
授此書也豈意後日原本之復來宸之受此書  
也豈料今日原本復入余舍設使書賈歸于他  
室終作敝屣之棄爾縱歸于余而無先君當年  
所授不過等閑殘帙視之爾焉能悉其源委哉  
應是先君有靈不使入他人之手也抄畢記其  
顛末如此歲在己卯重九日隱湖毛宸謹識時

年六十

集千家注分類杜工部詩二十五卷 元刊元印本

**宋**東萊徐居仁編次臨川黃鶴補注 楊蟠觀

子美畫像詩後有積慶堂刊木印是頁板心有

至正戊子二月印一條

新唐書本傳

杜工部墓誌銘 元稹撰

韓愈詩

李觀補傳

王洙序 寶元二年

孫僅序

王安石序 皇祐壬辰

胡宗愈序 元祐庚午

魯訔序 紹興癸酉

王琪後記 嘉祐四年

王彥輔增注序 政和三年

鄭印跋

鄭印音義序 紹興辛亥

孫何歐陽修王安石張伯玉楊蟠詩

案此元刊元印本每葉二十二行每行二十字

新刊校定集注杜詩殘本六卷

宋刊本

**唐杜甫撰**

案存卷六卷七卷八卷九卷十卷十一此南宋  
粵東刊本每半葉九行每行十六字小字雙行  
版心有字數及刻工姓名每卷有史氏家傳翰  
林攷藏書畫圖章朱文長印張燕昌白文方印  
知不足齋主人所怡白文方印每卷後有寶慶  
乙酉廣東漕司鈐梓朝議大夫廣南東路轉運  
判官曾噩承議郎前通判韶州軍州事劉鎔潮  
州州學賓辛安中進士陳大信同校勘銜名百

宋一厘所謂九家注杜寶慶漕鈐自有連城蝕  
甚勿嫌者只存五十五葉此本尚存六卷亦罕  
覩之祕笈也

集千家注杜工部詩集二十卷

明刊本

**唐杜甫撰**

王洙後記

寶元二年

王安石後序

元祐壬辰

胡宗愈序

元祐庚午

蔡夢弼草堂詩箋序曰少陵先生博極羣書馳  
騁今古周行萬里觀覽謳謠發爲歌詩奮乎國

風雅頌不作之後比興相伴哀樂交貫揄揚敘  
述妙達乎真機美刺箴規該具乎眾體自唐迄  
今餘五百年爲詩學之宗師家傳而人誦之故  
元微之誌其墓曰詩人以來未有如子美者信  
斯言矣況我國家祖宗肇造以來設科取士詞  
賦之餘繼之以詩詩之命題主司多取是詩惜  
乎世本訛舛訓釋紕繆有識恨焉夢弼因博求  
唐宋諸本杜詩十門聚而闕之重復參校仍用  
嘉興魯氏編次先生歲月之先後以爲定本每  
於逐句本文之下先正其字之異同次審其音

之反切方作詩之義以釋之復引經子史傳記  
以證其用事之所從出離爲若干卷曰曰草堂  
詩箋凡校讎之例題曰樊者唐潤州外史樊晃  
小集本也題曰晉者晉開運二年官書本也曰  
歐者歐陽永叔本也曰宋者宋子京本也王者  
乃介甫也蘇者乃子瞻也陳者乃無已也黃者  
乃魯直也刊云一作某字者係王原叔張文潛  
蔡君謨晁以道及唐之顧陶本也又如宋次道  
崔德符鮑欽止暨太原王禹玉王深父薛夢符  
薛蒼舒蔡天啟蔡致遠蔡伯世皆爲義說其次

如徐居仁謝任伯呂祖謙高元之暨天水趙子  
櫟趙次翁杜脩可杜立之師古師民瞻亦爲訓  
解復參以蜀石碑諸儒之定本各因其實以條  
紀之至於舊德碩儒間有一二說者亦兩存之  
以俟博識之決擇是集之行俾得之者手披目  
覽口誦心惟不勞思索而昭然義見更無纖毫  
凝滯如親聆少陵之謦欬而熟覩其眉宇豈不  
快哉大宋嘉泰天開甲子正月穀旦建安三峰

東塾蔡夢弼傅卿謹識

王右丞文集十卷

宋麻沙刊本

徐健菴舊藏

**唐**尚書右丞贈祕書監王維撰

顧氏手跋曰此麻沙宋刻王右丞詩文全集十  
卷道光丙戌歲從藝芸主人借出影寫一部復  
徧取他本勘其得失雖宋刻亦有誤而不似以  
後之妄改究爲第一也遂題數語於帙端餘文  
繁不具錄思適居士顧千里

黃氏手跋曰此宋刻王右丞文集十卷二冊頃  
余友陶蘊輝從都中寄來而得之者也是蘊  
輝在蘇時余與商推古書謂讀書敏求記中物  
須爲我購之今茲八月中旬有人自北來者寄

我三種書此本而外尙有元刻許丁卯集及宋刻小字本說文來札云王右丞文集卽所謂山中一半兩本許丁卯集卽所謂校宋板多詩幾大半本可見余留心蒐訪竟熟讀也是翁書以爲左券而不負余託惜以物主居奇必與說文并售索直白金百二而余又以說文已置一部不復重出作書復之許以二十六金得此兩書札往返再三竟能如願不特幸余得書之福亦重感余友購書之力也此書作山中一半兩本尙見劉須溪評點元刻止詩六卷見藏周香巖

家香巖又藏何義門校宋本亦止詩無文雖同出傳是樓而敘次紊亂字句不同非一本矣十月十三日毛二榕枰過訪士禮居余知其能識古書出此相質榕坪并爲余言向見桐鄉金氏本板刻差大詩中亦作山中一半兩文則無有也與此更非一本益見此刻最善而余所藏抑何幸歟客去攜書插架卽跋數語于尾蕘圃黃丕烈識

又曰嘉慶癸酉中秋後八日偶過五柳居知新從無錫人買得元刻劉須溪評點王右丞詩卽

借歸與宋刻對其序次悉同擬購之未知許否也二十四日復翁記

案此南宋麻沙本每葉二十二行每行二十字版心有字數及刻工姓名即百宋一厘所謂王沿進表移氣麻沙秀句半兩夙假齒牙者也卷中有百宋一厘朱文長印黃氏丕烈白文方印復翁白文方印乾學之印白文方印健菴白文方印季振宜字詵兮號滄葦朱文大方印有竹居朱文方印季振宜藏書朱文長印仲文氏朱文方印

唐元次山文集十卷 舊抄本

唐贈禮部侍郎元結著

自序

湛若水序 正德丁丑

顏魯公文集十五卷補遺一卷年譜一卷 錫山活字本

**唐顏真卿撰** 後有行狀 門客田亮撰 碑銘 令狐烜述

舊史本傳

新史本傳

劉敞序曰魯公極忠不避難臨難不違義是其塵垢糠粃猶祇飾而誦習之將以勸事君況其

所自造之文乎然魯公沒且三百年未有祖述  
其書者其在舊史施之行事蓋僅有存焉而雜  
出傳記流於簡牘則百而一二銘載功業藏於  
山川則十而一二非好學不倦周流天下則不  
能徧知而盡見彼簡牘者有盡而山川者有壞  
不幸而不傳則又至於千萬而一二未可知也  
吳興沈侯哀魯公之忠而又佳其文懼久而有  
不傳與雖傳而不廣也於採掇遺逸輯而編之  
得詩賦銘記凡若干篇爲十五卷學者可觀焉  
蓋君子多見則守之以約沈侯好學喜聚書聚

書至三萬卷若是多矣然猶常汲汲如不足者  
至其集魯公之文使必傳於天下必信於後世  
可謂守之以約而尚友者乎予是以序其意  
留元剛後序曰文章節義非二致也聖人入德  
之序由孝弟而謹信汎愛而親仁行有餘力以  
學文士君子循之廷末自得諸已則英華之發  
外皆源而流者也世變旣降以文名家者攢羅  
列聚而信道不惑守節仗義眇然亡幾是以善  
觀人者必先節義而後文章文章之輕重在一  
身節義之輕重在國家存而爲節義發而爲文



百宋樓藏書  
卷六十八  
章盡之於一身推之於國家漢唐以來魯公一人而已公之忠烈始卒不渝穹宙昭明凜凜如在雖庸人孺子莫不知之而予猶以軼言 事彷彿一二幾於畫渾沌者惟觀之節義然後可以觀公之文章公豈求工於文者哉公之心與天地並星辰河漢山川草木自然之文也不論其心而徒論其文豈知公者耶公之文不多見而天下後世仰公之名景則敬慕不能者蓋重其所先略其所後也故存亡詳簡有不暇計而其所可見者雖僅存而不詳然有功於名教大

矣觀所奏論事先白長官之疏嬰逆鱗陵焰勢抗言不忌上僕射爭坐位之書詆英父朝恩而弗恤自二十六第進士三十四舉制科閱官四十有五而居中者纔十載六遭貶斥竟至殺身英風勁氣使人感涕憤發萬世而下頽波以障懦習以激彼希指阿諛俛首循默嗜寵目前貽臭身後視此孰榮辱受替歸北幾至餽口拙於生事食粥憂煎固不如屬馱富貴者之適欲而公論則有在也前後忤權臣者五楊國忠李輔國元載楊炎皆誅戮盧杞亦竄死公之流芳遺

馥歿且不朽迺輩聲名與糞壤俱腐禍福得失之理昭昭不誣而昧者輒快於所睹不慮於不見豈不痛哉雖然盧杞陷公於死非死公也乃擠唐于亡也以公之所試諒公之所存使其端委廟堂精神折衝則敢於弄兵者未必自是紛紛嗚呼唐亦寢尋不復振矣安有朝無若人而可以國乎所以識者未爲公恨而深爲唐恨也子後公三百九十四年而生又三十五年而守東嘉訪公之來孫自五代徙居于此本朝皇祐紹興間嘗錄其後官者六人忠義之澤滲漉悠

久有自來矣求公文而刊之將以砥礪生民而家無藏本得劉原父所序十二卷卽嘉祐中宋次道集其刻于金石者也篇簡漫漶字義舛譌乃以史傳諸書碑蹟雜記銓次年譜繫以見聞參異訂疑摻亡補失其涉於公之筆缺而無攷則不敢及焉故書遺亡網羅未備尙俟後人按藝文志行狀神道碑公佐吉州有廬陵集十卷刺撫州有臨川集十卷刺湖州有吳興集十卷韻海鏡源三百六十卷爲禮儀使有禮儀集十卷今並逸而不傳

楊一清序 嘉靖三年

都穆後序 嘉靖癸未

劉隨州文集十卷外集一卷 明正德刊本 何義門校宋本

**唐**隨州刺史劉長卿撰

湯鏃序 正德十二年

陳清後序 正德丁巳

某氏手跋曰辛未秋從沈頴谷業師假得義門何先生校本校過其前五卷依南宋書棚本乃文淵閣殘書也後五卷用馮定遠家藏抄本及巖天池家抄本互勘兩抄次第與宋本皆合宋

本十行行十八字此本同可見嘉靖以前本猶可據惜文集未刻入行將抄補之治泉記自記則用墨筆恐相混也書中圈點非盡義門又記

劉隨州文集十一卷 明刊本

**唐**隨州刺史劉長卿撰

前宋樓藏書志卷六十九

存齋雜纂之六

歸安陸心源剛甫編

集部

別集類三

韋蘇州集十卷拾遺一卷

明弘治刊本

**唐**蘇州刺史韋應物撰

韋蘇州唐史不載其行事林寶姓纂云周道遙  
公負之後左僕射扶陽公待價生司門郎中令  
儀令儀生鑾鑾生應物應物生監察御史河東  
節度掌書記慶復李肇國史補云為性高潔鮮

食寡欲所居焚香掃地而坐其爲詩馳驟建安已還各得風韻詳其集中詩天寶時扈從遊幸疑爲三衛永泰中任洛陽丞京兆府功曹大曆十四年自鄆縣令制除櫟陽令以疾辭歸善福精舍建中二年由前資除比部員外郎出爲滁州刺史改制江州追赴闕改左司郎中貞元初又歷蘇州罷守寓居永定精舍其後事迹究尋無所見肇又云開元以後位卑而著名者李北海王江甯李館陶鄭廣文元魯山蕭功曹張長史獨孤常州崔比部梁補闕韋蘇州以集中事

及時人所稱考其仕宦本未得非遂止於蘇邪案白居易蘇州答劉禹錫詩云敢有文章替左司左司蓋謂應物也官稱亦止此有集十卷而綴敘猥并非舊次矣今取諸本校定仍所部居去其雜廁分十五摠類合五百七十一篇題曰韋蘇州集舊或云古風集別號禮上西齋吟稿者又數卷可以繕寫嘉祐元年十二月二十二日太原王欽臣記

韋刺史傳

宋沈明遠作詰補撰

韋蘇州集十卷

明覆宋乾道刊本

唐韋應物撰

王欽臣序

沈作喆補傳

毘陵集二十卷 舊抄本

唐朝散大夫使持節常州諸軍事守常州刺史

賜紫金魚袋獨孤及撰

李舟序

梁肅後序

無名氏手跋曰唐獨孤公毘陵集二十卷祕藏  
天府世罕其傳是本為吳文定公在東閣時抄  
出以藏於家者也其孫經 府君與貞山給事

為內兄弟給事適得假歸命傭書者錄之惜乎  
訛舛艱讀知余嗜古書來請校一過余且校且  
錄積四旬有二日訖事噫余之用心亦勤矣安  
能吾子若孫同余之嗜好而寶之也

蕭茂挺文集一卷 舊抄本

**唐李華撰**

李華序

李遐叔文集不分卷 舊抄本

**唐李華撰**

附梁肅送序祭文顧況祭文

獨孤及序

華陽集三卷附顧非熊詩 舊抄本

**唐顧况撰**

唐陸宣公集二十二卷 元至大刊本

**唐陸宣公撰**

權德輿序

蘇軾進奏議劄子

涑熙講筵劄子

唐內相陸宣公實鍾樵李扶輿清淑之氣平生所志不負天子不負所學雖遭遇德宗時弗克展布所蘊然忠誠懇惻訓辭深雅崎嶇奉天實

資翼贊今其代言奏對家傳人誦自漢賈誼董仲舒諸賢皆莫之能擬此中朝達治體躋顯仕者往往祖述以爲一代典章信知宣公之文鑿鑿可見之日用非徒託之空言也今其宅里某水某丘已難髣髴獨仁義百篇炳如丹青讀其書尚友其人至今生氣凜凜郡學舊有奏議制誥凡二十二卷歷歲幾二百亥豕魯魚弗便觀覽盱眙子中王公來守是邦一廉自律三年政成提綱學校備殫乃心拘微逋租增鑄祭器踵繪從祀惠至渥也復念此書字畫漫舛特甚乃

以推官胡公德修家藏善本詳加雘正重新刊梓以幸多士繼自今使宣公之文復大行于世其于鄉泮亦與有榮焉敬書卷末以識歲月云至大辛亥季秋嘉興郡博士厲一鶚拜手書至大 亥秋教官厲心齋奉總管王公子中命重新繡梓詳加校訂任其責者學正四明陳沆學錄毗陵蔣臈孫路掾廬陵易偉也監督直學張天祐馬天祺學吏程泰孫施去非案此元嘉興路學刊本每葉二十行每行十七字卷中有朱文石氏朱文方印華亭朱氏白文

方印芷齋圖籍朱文方印三間草堂朱文方印香圃所藏白文方印忠宣第三十七世孫朱文方印張載華印朱文方印佩兼朱文方印唐宣公制誥十卷奏草七卷奏議七卷 明仿朱本

**唐陸**

權德輿序

蘇軾進奏議劄子

唐陸宣公集二十二卷

明正德刊本

**唐陸**

權德輿序



蘇軾進奏議劄子

淳熙講筵劄子

權載之文集五十卷 舊抄本

**唐權德輿撰**

楊嗣復序

昌黎先生集殘本十卷 北宋刊本 張敦仁舊藏

**唐韓愈撰** 門人李漢編

李漢序

案百宋一厘賦注云殘本小字昌黎集每半頁十一行行二十字所存卷一至十字畫方勁而

未有注當是北宋槧本者卽此本也

朱文公校昌黎先生文集四十卷外集十卷集傳一卷遺文一卷 宋麻沙刊本 周九松舊藏

**唐韓愈撰** 晦庵先生考異留耕王先生音釋

朱子序

郡齋近刊朱文公校定昌黎集附以考異而音辨則舊所刻也初讀者未免求之音辨質諸校本既字不盡同且音訛字多缺此書有集注有補注有辨證有全解音通句釋引物連類雖若加詳而於本文間亦牴牾余頗病之今悉從校

本更定音訓因旁摭諸家注解勘本文用事者  
枚舉而記其凡有未備則訪諸士友博極此書  
者併記之意其間缺逸尚多也昔黃太史有云  
杜詩韓文無一字無來處竊謂必盡所云而後  
可讀二文公之書過不自料附所嘗記錄於逐  
卷之左而空其下方以待來者竄釋冀更相緝  
續於音辯或有補云寶慶三年季夏既望承議  
郎特添差通判南劍州軍州兼管內勸農事王  
伯大謹書

案此宋刊宋印本每葉十六行每行二十三字

大黑口卷中有周良金印朱文方印毘陵周氏  
九松迂叟藏書記朱文長印此書明覆本甚多  
行款皆同此則宋刊本也

昌黎先生集四十卷外集十卷遺文一卷集傳一卷

明東雅堂刊本

**唐韓愈撰**

李漢序

朱文公校昌黎先生集四十卷外集十卷集傳一卷  
遺文一卷 明正統刊本

**唐韓愈撰** 晦菴朱先生考異留耕王先生音釋

朱子序

王伯大序

朱文公校昌黎先生集二十卷外集五卷集傳一卷  
遺文一卷 明成化刊本

**唐韓愈撰**

朱子序

王伯大序

朱文公校昌黎先生集四十卷外集十卷集傳一卷  
遺文一卷 吳兔牀臨黃山谷吳履齋批點本

**唐韓愈撰** 門人李漢編集

朱子序 慶元丁巳

朱吾弼序 萬曆三十三年

吳氏手跋曰秀水王元啟讀韓記疑云明新安  
朱崇沐刊是書脫多因其行世最廣故特據此  
詳校俾讀者攷焉据王說是此本誠未為善本  
暇日當以王記覆校之

韓集舉正四卷 抄本

**宋方崧卿撰**

右昌黎先生集四十卷目錄一卷外集一卷附  
錄五卷增攷年譜一卷崧卿試郡嶺麓間日居

多課其餘力獲從事於斯常念韓氏舊集世已罕傳歲月既久則散逸殆近撫拾其僅存者稽而正之以還舊觀亦討古之一助也第惟淺識謏聞管窺自信源流不白何以傳諸人因復次其異同記其譌舛之自爲舉正十卷使人開卷知所自擇而韓氏義例亦粗見於綱領中噫一代文宗膾炙人口相傳以熟莫覺其譌陋學苦心儻識者補其遺繆涪熙巳酉二月朔日莆陽方崧卿書

河東先生集四十五卷外集二卷龍城錄二卷集傳

一卷新舊附錄五卷

明郭雲鵬刊本

**唐柳宗元撰**

劉禹錫序

唐之文章初未去周隋五代之氣中間稱德李杜其才始用爲勝而號專雄譎詩道未極其渾備至韓柳氏起然後能大吐古人之文其言與仁義相華寔而不雜如韓元和聖德平淮西柳雅章之類皆辭嚴義偉製述如經能峯然登唐德於盛漢之表蔑愧讓者非二先生之文則誰與予少嗜觀二家之文嘗病柳不全見於世出

人間者殘落纔百餘篇韓則雖目其全至所缺  
墜亡字失句獨於集家爲甚志欲補得其正而  
傳之多從好事訪善本前後累數十得所長輒  
加注竄遇行四方遠道或他書不暇持獨資韓  
以自隨幸會人所寶有就假取正凡用力於斯  
已蹈二紀外文始幾定久惟柳之道疑其未克  
光明於時何故伏其文而不大耀也求索之莫  
獲則旣已矣於懷不圖晚節遂見其書聯爲八  
九大編夔州前序其首以卷別者凡四十有五  
眞配韓之鉅文歟書字甚樸不類今跡蓋往昔

之藏書也後考覽之或卒卷莫迎其誤晚有一  
二廢字由其陳故剝滅讀無甚害更資研證就  
眞耳因按其舊錄爲別本與隴西李之才參讀  
累月詳而後上嗚呼天厚予嗜多矣始而饜我  
以韓旣而飫我以柳謂天不吾厚不誣也哉世  
之學者如不志於古則已苟志於古求踐立言  
之域捨二先生而不由雖曰能之非予所敢知  
己天聖元年秋九月河南穆修伯長序

沈晦四明新本後序

政和五年

李禎柳州舊本後序

紹興四年

李石題後

韓醅記後

清熙丁酉

增廣注釋音辨唐柳先生集四十三卷年譜一卷別集二卷外集二卷附錄一卷

宋刊本

述古堂舊藏

**唐柳宗元撰**

南城先生童宗說註釋新安先

生張敞頤音辨雲間先生潘緯音義

劉禹錫序

余讀韓柳文常思古人奇字齟齬吾目且梃吾喙也開卷必與篇韻俱檢閱反切終日不能通一紙偶得二書釋音如獲指南猶恨字畫差小

不便老眼至瀋山郡齋屬廣文是正將大其刻以傳學者一廣文攜音訓數帙示余曰昌黎文有江山祝充音義既反切難字又注其所從出亡以復加惟子厚集諸家音義不稱是自詭規模祝充撰柳氏釋音數月書成余寔濫觴權輿是書者序引其意詎敢以語言不工爲解自小學不興六書罔詔學者平日簡牘間頗有不分點畫不辨偏傍任私意失本原雖以字學名世者未免斯弊若虞永興不知姓顏平原不知名況下二子者耶甚者以弄璋爲麀伏臘爲獵金

百家類書志 卷六十一  
根爲銀至於古文奇字能不失句讀辨重輕清濁者幾何人哉惟柳州內外集凡三十三通莫不貫穿經史轆轤傳記諸子百家虞初裨官之言古文奇字比韓文不啻倍蓰非博學多識前言者未易訓釋也廣文中乙丑年甲科恬於進取尙淹選調生平用心於內不求諸外遂能會粹所長成一家言將與柳文並行不朽無疑矣非刻意是書者未必知論著之不易也廣文諱緯字仲寶雲間人姓潘氏乾道三年十二月吳邵陸之淵書

案此宋刊宋印本每葉二十六行每行二十三字小字雙行卷中有花笑廣藏朱文長印劉采所藏朱文長印暝琴山館珍藏朱文方印劉采字疏雨烏程人見南潯志

劉賓客文集三十卷外集十卷 述古堂影宋本

**唐**正議大夫檢校禮部尙書兼太子賓客贈兵部尙書劉禹錫 **撰**

案每半頁十行行二十字格闌有述古堂三字  
劉賓客文集三十卷外集十卷 舊抄本

**唐**正議大夫檢校禮部尙書兼太子賓客贈兵

部尚書劉禹錫撰

黎民表刻版序 萬曆二年

劉賓客外集十卷 明抄本 項墨林舊藏

唐劉禹錫撰

劉賓客文集三十卷 明刊本 汲古閣舊藏

**唐**正議大夫檢校禮部尚書兼太子賓客贈兵

部尚書劉禹錫撰 板心題中山集

黎民表序

呂和叔文集十卷 舊抄本

**唐**朝議郎使持節衡州諸軍事守衡州刺史上

騎都尉賜緋魚袋呂溫撰 後附柳宗元誄

劉禹錫序

呂和叔文集十卷 影寫宋刊本 馮已蒼校

**唐**朝議郎使持節衡州諸軍事守衡州刺史上

騎都尉賜緋魚袋呂溫撰 後附柳宗元誄

劉禹錫序

馮氏手跋曰右呂衡州集十卷甲子歲從錢牧齋借得前五卷戊辰歲從郡中買得後三卷俱宋本第六第七二卷均之缺如因棄置久之越三年辛未友人姚君章始為余錄之因取英華



文粹所載者照目寫入以俟他年得完本校定  
正月盡日識孱守居士

又曰凡行間所注某作某俱愚所校此本則一  
照宋本抄寫第二卷間砧以下十五首宋本所  
無案陳解元棚本增入

張司業集不分卷 舊抄本

**唐張籍撰**翰林學士中書舍人張洎編輯

唐李文公集十八卷 明成化刊本

唐山南東道節度使檢校戶部尚書李翱字習  
之撰

何宜序 成化乙未

歐陽行周集十卷 舊抄本 何義門校本

唐將仕郎守國子監四門助教晉江歐陽詹字  
行周撰

李貽孫序

何氏手跋曰康熙己丑重陽前一日從內弟吳  
紫臣借得所收葉文莊公家本抄手校改政數  
處葉本與此亦互有得失俟訪得宋雕及他藏  
書家善本當再校之行周文尚當為李元賓之  
亞然其諸序固未減梁補缺特不宜於多爾昆

湖舟中義門焯記

顧氏手跋曰何校葉抄多雜糅而何自下已意語多不確即如第五卷韓城西尉廳云列縣出於千乃文集最妙處文苑英華八百六文粹七十三於千上多五字皆大誤舊唐志貞觀十三年定簿縣一千五百五十一新唐志開元二十八年戶部帳縣千五百七十三行周此記作於貞元十五年已非復貞觀開元之盛其缺不得反有五千縣之多甚明矣宜據集刪苑粹衍字而義門反以添集何耶姑舉一條用貽後之覽

斯者貴乎心知其意若尋行數墨恐縱遇善本仍有必不得之病也元和顧千里澗蘋識

歐陽行周文集十卷 明刊本

**唐**歐陽詹字行周 **撰**

李貽孫序

孟東野詩集十卷 毛氏影寫宋刊本

**唐**山南西道節度參謀試大理評事平昌孟郊 **撰**

東野詩世傳泮吳鏤本五卷一百二十四篇周安惠本十卷三百三十一篇別本五卷三百四

十篇蜀人蹇濬用退之贈郊句纂成池集二卷  
一百八十篇自餘不爲編帙雜錄之家家自異  
今總括遺逸摛去重複若體製類者得五百一  
十一篇釐別樂府感興詠懷游適居處行役紀  
贈懷寄酬答送別詠物雜題哀傷聯句十四種  
又以贊書二系于後合十卷嗣有所得當次第  
益諸十聯句見昌黎集章章於時此不著云集  
賢校理常山宋敏求題

案此毛氏影宋本每葉二十行每行十八字版  
心有刻工姓名及字數卷中有宋本朱文腰圓

印用字朱文圓印毛晉私印朱文方印子晉朱  
文方印毛辰之印朱文方印斧季朱文方印虞  
山毛晉朱文方印汲古得修綆朱文長印子晉  
書印朱文方印宋序後有臨安府棚前北睦親  
坊南陳宅經籍鋪印一行

孟東野詩集十卷附聯句

明嘉靖刊本

唐山南西道節度參謀試大理評事武康孟郊  
著

武康代產文士惟沈約孟東野詩以名家余謂  
永明接江左舊耳元和集三變大成焉步武不

出江南東野交游北方名士二家詩體固應是  
抑德以形言言以驗德而止以詩觀詩何哉晉  
陶淵明詩爲晉宋大家數然宋永初以後每有  
著述不繫紀年而書甲子發乎情根諸性也約  
仕宋仕齊宋元之未探西邸密意詔書出懷中  
夙備無遺缺然則平時用工覓句豈其性情哉  
視行險溪曲泊無宦情奪俸不愠一寒到死不  
隨逐酒壚餅肆間媚匪人者其言德定何如也  
今保有孟保井有孟井人亡物改竹幽水深過  
之清風爽然使人脫酒於世味之外余始來爲

令急符猶卒晝夜至余懼夫言政而不及化懷  
賢訪古與邑之士相與論文則趣尚風流有苦  
學如正矐者因與其評其詩用宋公敏求本錢  
諸梓且併論沈孟言德大概使尚友觀焉景定  
壬戌天台國材成德序

秦禾序

嘉靖丙辰

長江集十卷

陸敕先校宋本

唐司戶參軍賈島浪仙撰

唐宣宗賜賈島墨敕

右大中墨敕九十四字舊刻石祠堂中唐書作

傳云文宗時坐飛謗貶長江主簿會昌初以普  
州司倉遷司戶參軍墓誌亦記罹飛謗解褐責  
授長江簿會昌癸亥終於普州官舍蘇絳當時  
人誌必不差摭言載武宗時謫去尤非也然則  
大中恐是大和字今不敢輒改以俟知者辨之  
王遠謹跋

後序曰浪軒以詩鳴世傑出於貞元元和文章  
極盛之後孟郊死爲之不已其詩與郊分鑿並  
馳峭直刻深羈燕客思春愁秋怨讀之令人愛  
其工憐其志如聽燕趙之悲歌蛾眉之曼聲秦

楚之哭荆山之泣也大抵士之不遇阨窮罹謗  
鬱鬱頓挫身可擯而志不可奪勢可壓而氣不  
可屈及其發也右至於怒髮裂眦而不可捥者  
故行吟澤畔仰天嗚嗚欲其爲和鸞佩旗之音  
不可得也子每讀二子之詩而悲之又嘗見韓  
吏部所贈之篇極道其騫溷滂葩低昂舒慘引  
而發之將以取信於天下後世譬之鴻鵠羽翼  
旣成必假天風始致千里東野與吏部聯句之  
作間見層出物迎縷解欲罷不能人無異論浪  
仙攜新文詣韓公途中云袖有新詩成欲見張

韓老青竹未生翼一步萬里道安得西北風身  
願變蓬草然則士有未効之用身在無譽之間  
非附青雲之士何以成名哉二子所以拳拳於  
韓門而不去韓公亦以樂得天下英材與之周  
旋而不倦也此又不可不知也浪仙范陽人數  
千里貶官佐邑於此遷普州司倉參軍以卒猶  
目其平生詩曰長江集蓋仲卿之志在於桐鄉  
意其千秋百世之後精爽靈游長在乎明月之  
山凡水之湄也邑有祠堂典刑依然前主簿幽  
游君虞臣好古攻書採他山之石爲十五碑盡

書其三百七十九篇未訖工而去予倦游就養  
子舍適縣尹嘉祥衛君京督成其事因以舊傳  
墨制及蘇絳所撰墓志銘唐書本傳與韓公昌  
黎送行詩併刻之本末備具可爲無窮之傳以後  
序見囑復取僕初到縣謁君祠堂之詩繼之將  
俟知者一觀焉紹興二年壬子歲閏四月辛卯  
朔朝議大夫提舉江州太平觀平陽王遠序  
無名氏跋曰辛巳除夕假葉鼎卿鈔安愚道人  
寫宋刻本校勘正甚多可稱善本

唐賈浪仙長江集十卷

明仿宋本

唐普州司倉參軍范陽賈島浪仙撰

薛許昌詩集十卷

陸勅先校宋本

**唐**許昌軍節度使檢校禮部尚書薛能太拙撰  
文章之興惟深于詩者古所難哉以其不汙行  
事之迹酌行事之得失疏通物理宣導下情直  
而婉微而顯一聯一句感悟人心使仁者勸而  
不仁者懼彰是揀過抑又何多可謂擅造化之  
心目發典籍之英華者也洎詩人失正採詩官  
廢淫詞媵唱半成譁談後世作者雖欲立言存  
教直以業成無用故留意者鮮有如山僧逸民

終老耽翫搜難抉奇時得佳句斯乃正始之音  
翻爲處士之一藝爾又若才卑不能造語思拙  
困於象物興詠違于事情諷誦生於喜怒以此  
校之果無用也其才淺劣尤者體盜人意用爲  
已工銜氣揚聲略無愧恥嗚呼風雅道衰若是  
之甚與許昌薛侯詩人之雄乎觀夫所尚率以  
治世爲本隨事刺美直在其中放言旣奇意在  
言外謂才俊之偉也蹂躪時事聚爲國風謂風  
流之至也貴農賤霸資爲心術苟引而伸之豈  
不能黜邪歸正去煩從簡致君道有緒而民業

用休唐德下衰薛侯其已矣夫世議自伐寡於  
謙稱胡不云主道之遇乎往往逸韻流入鄭聲  
如吳姬并洛歌人等詞傳人間未易刪去知言  
之愛掩覆無由蟻鼻之缺白圭之玷也斯言之  
失君子之薄也操履之迹可不慎與薛君詩千  
餘篇小得全本咸平癸卯年余移自咸鎬再蒞  
三川歲稔民和公中事簡會同列引滿酬詩因  
議近代作者合出薛集僅將十本五言七言二  
韵至一百韵凡得四百十八篇爰命通理大常  
博士王好古太子中允乞伏矩節度推官韋宿

從長參校依舊本例編爲十卷授鬻書者雕印  
行用字未盡精篇亦頗略與夫世傳訛本深有  
可觀是年乙巳秋八月 日樞密直學士尙書  
刑部侍郎知益州兼兵馬鈐轄張詠序

薛太拙以吟咏自負如朝廷有道青春好門館  
無私白日間青春背我亭亭去白髮欺人故故  
生當時諸葛成何事只合終身作臥龍等句皆  
膾炙眾口久矣今得其全集觀之則累句亦不  
少太拙日賦一詩得之太易乏月煨年煉之功  
故精粗各半爾暇日因取其瑕類之作刪去之



獨取全美者得二百三十章俾兒輩錄之藏翠  
山書院或者咎予去取太嚴予應之曰古詩風  
賦比興雅頌之作猶經刪削何獨於太拙之作  
而不可掩惡而揚善於太拙亦何負云紹興改  
元山陰陸榮望跋

無名氏跋曰歲乙未有以毛校抄舊本許昌集  
求售者爲靜軒弟意所欲讓歸之今秋得汲古  
刊本乃從靜軒處取而校之并補鈔原序跋凡  
五紙毛鈔本前後均有毛子九讀書記方印卷  
一首葉鳳苞二字圓方兩小印又有宋本二字

稽員印但未識當時既有佳本何以不取付刻  
也妙道人記

歸安陸心源剛甫編

歸安陸心源剛甫編

存齋雜纂之六

集部

別集類四

歌詩編四卷集外詩一卷 影寫宋刊本

**唐**隴西李賀撰

杜牧序

黃氏手跋曰余藏唐人集不下百餘種舊刻名鈔都備即同一集而藏書之家有異亦在所收故種更多也頃書友鄭益借袖此舊鈔李賀歌

歸宋樓藏書志 卷七十

詩編一冊遺余識是馮氏藏本檢所藏尚缺此種急收之馮所藏唐集已有一二種行款圖章卻不相類知抄各有本其藏亦非一人也乙丑夏蕘翁記

又曰戊辰夏從經義齋得舊刻本較此多至元丁丑宏治壬戌二序當是明翻元刻也分卷雖同標題序次略異即字句亦間有不同稍暇當參校之讀書敏求記載鮑欽止家本此殆近之復翁識

李長吉歌詩四卷外集一卷 明刊本

**唐李賀撰**采西泉吳正子箋注

杜牧序

盧仝詩集二卷集外詩一卷 舊抄本

**唐盧仝撰**

陸焞跋

重刊絳守居園池記一卷 明刊本

**唐樊宗師撰**灤陽趙仁舉注金華吳師道正誤  
補遺

孫冲序曰長慶中樊宗師爲絳州刺史嘗作絳守居園池記其詞句甚隱僻不明自冲在京師

得此文頗與同人商推卒不能果然詳其意旨  
句讀樊宗師又爲皇唐名士不知當時負此文  
走人門下有誰與詳解而知之也宗師與韓退  
之親且相推善觀退之之文大不如此退之文  
集中有答陳商書其意甚病商之所爲文不與  
世相上下故喻以齊王好竽商負瑟而干之又  
不知退之終使宗師之文如是唐室承齊梁陳  
隋餘弊其文章最微弱又變其體使有聲韻耦  
對唐享年尤遠繇是鼓而成風其間忽有韓愈  
獨與張藉皇甫湜李翱輩更迭文體高出秦漢

亦大爲當時眾口排擯謂之無用之文韓愈死  
其道彌光後來有學韓愈氏爲文者往往失其  
旨則汨沒爲人所鄙笑今則尤甚嘗有人以文  
投陳堯佐陳得之竟月不能讀卽召之俾篇篇  
口說然後識其句讀陳以書謝且戲曰子之道  
半在文半在身以爲其人在則其文行蓋謂旣  
成文而須口說之也是知身死則文隨而沒矣  
於學古也何有哉咸平六年七月冲奉詔爲絳  
州通判月餘觀園池記其石甚卑小文字多椎  
缺因熟讀及遊覽園池考其亭臺池塘渠竇花

水堤原川河井闔墻墉門戶凡爲宗師筆紀處  
所者雖與舊多徙移然歷歷可見猶視其文未  
能過半樊之記有亭曰佃漣曰香曰新曰望月  
曰栢有塘曰蒼塘有堤曰風堤有原曰鼈蟻原  
惟正西曰白濱今無遺址又疑其指水涯爲亭  
名也冲登城西與北引望所謂黃原决天汾水  
鉤帶者在其記又得一二其亭爲今之所存者  
惟香亭與望月焉按其去處又非舊也其餘皆  
非當時所名者也得非遭梁周間鎮是郡者或  
因循改易也蒼塘堙沒矣風堤鼈蟻原雖問老

吏故氓是非難校今之亭有東南者曰四望居  
高臺臨酈市可四望也依斛律光廟之東曰望  
京據北曰香香之西北曰會賓前垂岸之下連  
栢陰曰水簾池之中曰水心跨昂橋歷虎豹門  
而西曰曲水旣北少西夾池曰望月又此限篠  
竹溝水曰禮賢且西密梨園曰感恩南對遠引  
曰射圃可以習射也前畦蔬夏花新竹三四本  
後壓隄屈律西北來竇水上走別一亭曰姑射  
西北正與姑射山相對最居北城上西連廢門  
臺樓東北可周覽人家依崖壑列屋高下水竹

葩花老棗翳桑陰密鬱邃磴響激流引漑蔬圃  
環折縈帶尤可登望今題二亭曰浩氣菡萏皆  
北嚮浩氣連仁豐廳後當公退時可逍遙養浩  
然之氣也菡萏蔭虎豹門其下皆芙蓉菡萏也  
今之亭既異於樊文且多焉其餘渠竇引泱花  
木蔭滋歲久且古與記舛訛不可驗矣記之易  
解者在其文曰西南有門曰虎豹其門猶在左  
畫虎鼓怒抉力呀而人立所謂萬力千氣虺伏  
地雹火雷風黑山右胡人鬚黃帑纍珠丹碧錦  
襖身刀囊鞞樞緇悉如記白豹玄斑焉皆非故

物也亦後來好事者圖之又曰考其亭臺沼池  
之增蓋豪王才侯襲以奇意相勝至今過客尙  
往往指可創起處如此不可數處俾人再三讀  
之可曉其理如曰水本于正平軌正平帶郭縣  
也隋開皇十三年內軍將軍梁軌爲臨汾令臨  
汾卽正平也十八年改正平焉軌字世驀材令  
也患州民井滷生物瘠瘦因鑿山原自北三十  
里引古水圖經云鼓堆水地缺絕經濠坎則續之以槽  
穿城墉入衙注也別分走街衙干陌汨汨然鳴  
激溝渠又漑灌畦町訖入於汾河其文多如此

類故欲使人昏迷往往莫辨其理頃縣前有梁軌遺記熟見其蹟則知水本於正平軌由此而發語也餘無遺據則皆莫能知鳴戲文者道之車輿也欲道之不泥在文之中正秦世以前滔而不漓炎漢之間煥而不雜逮魏與晉稍稍侵害自茲而下歐而折吞隋唐以來孽爲二途既不相近頗甚攻毀夫聖人文章若八卦象繇爻象之體雖不膚淺然聖人之文終能傳解孔子繫辭則皎然流暢其詩書禮樂之文披之皆可無意是聖人於文章本在達意垂法而已不必

須奇怪而難入也由經書外子史百家之言固可通導獨楊雄太玄準易而爲之當時之人或不肯一覽故文章在乎正而不雜但如兩漢風骨則仲尼周公復出固無所嫌也太子中舍耿君說知是州將一年常念園池記旣歷年歲惜其文字缺落因磨石別刊之以傳其文中舍世爲儒家故弟起居郎直昭文館望博古有文章愛急救民病竭力吏道因滯外使連漕運數道咸平六年四月死王事於河北是以中舍常喜人有名於世故拂拭樊刺史所爲記俾不墜沒

亦大好事者也冲略而序之冀後來者知文之  
指歸冲通治晉州時嘗與晉守何公亮書論樊  
宗師所爲文章何以書答冲剖析尤見爲文之  
深旨其二書今亦刊之記後景德元年九月五  
日序

韓子誌樊紹述墓謂紹述有所著書總六十卷  
雜文總三百十一篇詩七百十九首今皆亡矣  
近世謂紹述文之存者僅一卷亦未之見也惟  
絳守居園池記獨傳艱深險怪殆不可讀豈紹  
述之文盡若是而此篇以拔乎萃而能久邪以

獨奇而爲志怪者所寶友得久邪往年余得是  
文而讀之強爲之句而多所未解及觀吳君正  
傳補正趙氏注釋始得究其名義然徐而誦之  
意若猶有異者因重句之而疏其說於右方將  
復正於吳君焉愚嘗謂六籍之下盡文章之妙  
正無過於孟子奇無過於莊周周雖外於聖人  
而其學則自有所本汪洋自恣之辭皆出於是  
豈徒尙奇倔而已哉紹述之辭深矣探其本或  
未也雖然亦豈易至哉其間有精到之語皆蕩  
滌塵滓採掇菁華可但以險怪目之乎文章之



法固不在是但取其怪以資笑談亦過矣延祐  
庚申四月十日金華許謙書

泰定丁卯予在宣城得趙氏注園池記刊本大  
德中知晉州日翰林徐公瑒闔公復所爲序引  
者讀之與向所見抄本多異凡予所補正者往  
往增改而猶恨其有未盡也因以其本復加刊  
定篇中諸亭名元注未之考向略考見其端而  
許君按據文勢辨正條理悉以圈抹著之皆與  
今改注合竊伏精鑑俾存而弗削焉吁自予始  
校此文逮今二十年參之見聞屢經竄易計今

尙未得爲定稿也區區窮猶若是況乎聖經賢  
傳之奧而欲以一見了之不亦舛乎併書以自  
儆至順三年歲次壬申十一月二十二日吳師  
道識

辭尙質質則氣完輕重高下疾徐之節安則喜  
怒哀樂愛惡之情展夫惟知道之士含和而吐  
華辭盛致腴不煩繩削而正奇可師也故唐虞  
君臣之言渾渾如也夏商周之言皎如也秦漢  
之言振振如也雖粹駁清厚之氣人有不同因  
其才之所至皆足以自名一家本乎質故也漢

中葉以降辭益落爰始滌爲浮輕側纖拘爲俚俗矯爲隋艷辭人人殊去古日遠氣卑則言不振質不足故也唐繼古制世平而聲和在貞觀永徽時則岑文本魏徵虞世南褚遂良滌其源在垂拱開元時則陳子昂張說九齡蕭穎士李華導其流在大曆興元時則獨孤及梁肅權德輿揚其波辭稍振矣然去秦漢人所次猶遠蓋其力僅僅及是犇趨赴則僵至貞元元和時韓愈氏作大放厥辭力復于古雖正奇迭用而一本乎質用能奄有秦漢追商周而睨之辭乎復

此其始也時有河東柳宗元辭始今古犬牙廁陳張梁權間洎左官牢愁思益專辭益振破觚斷雕窈眇回鬱傑然與韓辭相上下唐世言文章者稱韓柳焉于時隴西李翱慕愈而効之振策而驅之然不敢異之也故史稱翱爲文尚氣質卒得與韓同謚贊皇李德裕作文論亦言文主氣質辭雖未至識則精詣不羣南陽樊宗師與韓柳氏亦同時又相好也視二氏之逸駕絕足瞠乎若恐後之將掉鞅爭先則力之不能及欲頽仰龔汭則恥爲之下於是瘁心竭液恢詭

險僻務奇以掩之此誠不可陵出其右而祇喪厥質氣不完者其辭弊固其所也宗師之辭夥矣惟絳守居園池記獨傳怪之尤者然其形墜名物足以辨方考志清言雅趣足以摹寫光景好古博雅之士存之而不廢也其辭義句讀不可易知自宋以來作訓故者數家往往探討疲而乖舛眾金華吳君正傳始取趙氏註補其闕而正其訛白雲先生高陽許君益之又從而審辨之繇是文義明而句讀別夫二君之於學窮六籍之菁華明百氏之邪正時其整暇而游豫

屬之豈大章咸池桑林之舞既高張宮庭飡聞而慨繹之而夷侏之音巴渝之曲亦充備下陳者與且樊氏之失二君既培而明之其間可採撫如鄉子所云者亦不忍遽弃也古也有志君子之取善也博以周子於二君見之矣東陽張樞云

沈下賢文集十二卷 舊抄本

**唐**沈亞之下賢撰

無名氏序曰文章盛衰與世升降唐之文風大振于貞元元和之間韓柳倡其端劉白繼其軌

百身補遺言元 卷一  
當時學者涵濡游泳攬其英華洗濯磨淬輝光  
日新苟有作者皆足以拔出流俗自成一家之  
語則吳興之文是已公諱亞之字下賢吳興人  
元和十年登進士第歷辟藩府嘗游韓愈門李  
賀許其工爲情語有窈窕之思其後杜牧李商  
隱俱有擬沈下賢詩則當時稱聲甚盛而存于  
今者既不盡見世之所有復舛錯訛謬脫文漏  
句十有二三頃得善本再加校覆皆得其正恐  
其藏于篋笥不得與好學之士其其玩釋因欲  
命工刻鏤以廣其傳惜乎志有待而未能也元

祐丙寅十月一日題

沈下賢文集十二卷

舊抄本

葉石君舊藏

唐沈亞之撰

無名氏跋

元祐丙寅

葉氏手跋曰崇禎戊寅從閭門坊中得沈亞之  
集舊人鈔本才取歸爲從兄林宗借去經載相  
索以本見償其原本則乾沒矣近來林宗物故  
書籍星散宋元刻本盡廢於狂童敗婦之手所  
謂舊抄者已不可知矣此書幸歸於我庶延幾  
年之存閒窗整理書籍復爲裝治老友馮定遠

嘗謂予曰唐至元和文章大盛韓柳元白之外  
劉夢得沈亞之皇甫持正李習之李元賓皆表  
表者予亦以爲然其中惟元賓集未暇鈔錄餘  
皆有善本後人勿或輕棄較林宗之後斯大望  
也然予生平不欺其心自信不若林宗其書籍  
必不若林宗死後之慘爲子孫者當慎守之以  
副弓冶之志焉皆康熙戊申歲洞庭葉萬字石  
君識

李文饒文集二十卷別集十卷外集四卷

明刊藍印

**唐李德裕撰**

鄭亞序

闕名後序曰唐有天下幾三百年賢相名儒接  
武而出固未易歷數也然考其功烈文章光明  
偉大卓然足以垂不腐者蓋亦無幾自房杜姚  
宋之後相之有聲者衛公李文饒而王楊燕許  
之後儒之可宗者文公韓退之而已故世之論  
衛公者必以功烈言而鮮及於文章論文公者  
必以文章稱而或略於功烈殊不知衛公之文  
章常出乎功烈之外而文公之功烈不在乎文  
章之下借令衛公當文公時則必以文章顯矣

文公得衛公位則必以功烈著矣觀幽州紀聖  
功碑異域歸忠傳序會昌功烈非衛公孰能形  
容之文公論淮蔡之敗可立而待拆王庭奏之  
宛燭而奪之氣胷中所蘊固不止於文章也夫  
道之在天下操之則爲心盡之則爲性持之則  
爲志養之則爲氣存之則爲神是道也見之設  
施則爲功烈寓之言語則爲文章易地皆然豈  
有彼此之異哉元和十五年文公嘗爲袁州刺  
史大和八年衛公亦嘗爲袁之長史文公之去  
袁也崇廟貌以祀之列豐碑以記之其文集之

行於世者又鋟木於魏庠至於衛公則不然祠  
堂數椽地石刻數尺許蕭然岑壑之上佛屋之  
側文之流傳者僅有十五賦其全集則未之見  
豈世之知衛公者一於功烈鮮及於文章歟紹  
興已卯冬建安邵公來守是邦下車之初嘗訪  
韓李遺集而衛公文集獨未有表而出之下缺  
李文饒文集二十卷別集十卷外集四卷明刊本

**唐李德裕撰**

鄭亞序

後序

闕名

葉氏手跋曰戊子年夏假得太原張孟恭所藏蘇州文衡山宋本校洞庭葉石君記

李文饒文集二十卷別集十卷外集四卷 舊抄本

**唐**金紫光祿大夫守司空同中書門下平章事

贊皇縣開國伯李德裕 **撰**

元氏長慶集六十卷 嘉靖壬子董氏覆宋本 葉石君錄錢某校宋

**唐元稹撰**

建安劉麟應禮序曰新唐書藝文志載其當時君臣所撰著文集篇目甚多太宗集四十卷至武后垂拱集百卷今皆弗傳其餘名公鉅人之

文所傳蓋十一二爾如梁苑文類會昌一品鳳池藁草笠釋叢書經緯穴餘遺榮霧居見於集錄所稱道者毋慮數百家今之所見者僅十數家而已以是知唐人之文亡逸者多矣嗚呼樵夫牧叟詭異怪誕之說鬼神幻惑不根之言時時萃爲一書以詒好事者觀覽至於士君子道德仁義之文經國濟時之論乃或沉沒無聞豈不惜哉元微之有盛名於元和長慶間觀其所論奏莫不切當時務詔誥歌詞自成一家非大手筆曷臻是哉其文雖盛傳一時厥後浸亦不

顯唯嗜書者時時傳錄不亦甚可惜乎僕之先子尤愛其文嘗手自抄寫曉夕玩味稱歎不已蓋惜其文之工而傳之不久且遠也迺者因閱手澤悲不自勝謹募工刊行庶幾元氏之文因先子復傳於世斯文舊亡其序第冠以新唐書微之本傳則微之之於文其所造之淺深可槩見矣宣和甲辰仲夏晦日序

楊氏手跋曰右元微之集六十卷微之以長慶癸卯鎮越大和己酉召還坐嘯是邦閱六寒暑今種山之喬木數十百章豈亦有甘棠存其間

乎橫空傑閣蓋一城偉觀扁表所書則其州宅之卒章也微之以文章鼓行當時謂之元和體在越則有詩人入幕府故鏡湖秦望之奇益傳所謂蘭亭絕唱陳迹猶可想唐志著錄有長慶集一百卷小集十卷傳于今者惟閩蜀刻本爲六十卷三館所藏獨有小集其文蓋已雜之六十卷中矣微之嘗彙其詩爲十體曰旨意可觀詞近古往者爲古諷流在樂府者爲樂諷詞雖近古而止於吟寫性情者爲古體詞實樂流而止於模象物色者爲新題樂府聲勢恣順屬對



百身樓藏書志 卷十一  
穩切者爲律詩以七言五言爲兩體稍存奇興  
與諷爲流及爲律諷撫存感往者取潘子悼亡  
爲題暈眉約髻匹配色澤劇婦人之恠艷者爲  
豔詩今古兩體其自敘如此今之所編頗又律  
呂舛次惜矣舊規之不能存也元白才名相埒  
樂天守吳財歲餘吳郡屢刊其文微之留郡許  
久其書獨闕可乎予來踵後塵蓋相去三百三  
十餘年矣乃求而刻之略能讎正脫誤之一二  
不暇復爲公次也書成寘之蓬萊閣乾道四年  
歲在戊子二月二十四日觀文殿學士左通奉

大夫知紹興府兩浙東路安撫使鄱陽郡公洪  
适景伯書

宏治元年從對門陸進士士脩借至命筆生徐  
宗器摸錄原本未畢士脩赴都來別索之甚促  
所餘十弓幾于不成幸竟留之遂此深願九月  
二十五日始克裝就藏于鴈蕩村舍之臥讀齋  
中永爲珍玩且近又借得白氏集亦方在錄可  
謂聯珠並秀合璧同輝楊循吉君謙父  
錢氏手跋曰微之集舊得楊君謙鈔本行間多  
空字後得宋刻本張子昭所藏始知楊氏抄本

百宋樓藏書志 卷十一  
空字皆宋本歲久漫滅處君謙承其舊而不敢益也嘉靖壬子東吳董氏用宋本翻雕行欵如一獨于空闕字樣皆妄意揣摩填補如首行思歸樂原空兩字妄增云我作思歸樂文義違背殊不可通此本流傳日廣後人雖患其譌而無從是正良可慨也亂後余在燕都于南城廢殿得元集殘本而所闕誤一一完好暇日援筆改正豁然如翳之去日霍然如疥之失體微之集殘闕四百餘年一旦復完寶玉大弓其猶有歸魯之徵乎戊子五月東吳蒙叟識

葉氏手跋曰元氏長慶集一百弓世傳止六十卷係宋洪景伯刊本其間脫落差謬頗廣虞山太史得宋刻本校正因借瞻讀已亥夏五洞庭葉石君識

姚少監文集五卷

舊抄本

黃蕙圃舊藏

唐祕書監杭州刺史姚合撰

黃氏手跋曰此姚少監詩集五卷殘宋本亦出郡城陸西屏家向爲翰林國史院官書余所得殘宋本二劉文集板刻正與此同西屏家物也此後出周香嚴歸之因借而命門僕影抄俾與

二劉並藏焉甲子小春月萬壽日裝成并記黃不烈

温庭筠詩集五卷

明抄本

毛豹孫舊藏

**唐温飛卿撰**

丁卯集二卷

影寫宋刊本

**唐** 鄧州刺史許惲撰

案吳門黃孝廉百宋一廬賦有南宋臨安府睦親坊陳宅刊本丁卯集二卷每半頁十行每行十八字此本行款字數皆同當從宋本影寫

周賀詩集一卷

影寫宋刊本

**唐周賀撰**

葉林宗手跋曰紀事云周賀東維人少從浮圖法卽清塞也遇姚合而近易名藝文志云詩一卷然未見傳本顧茂倫唐詩英華選賀詩七首有贈厲玄侍御一首此集又不載未知茂倫從何錄也此本亦藏茂倫家末後有臨安府棚北睦親坊南陳宅書籍鋪印細字一行確是宋板余遂借歸手抄於松風書屋

碧雲集三卷

寫影宋刊本

**唐** 登仕郎守新淦縣令知鎮事賜緋魚袋李中

目後有臨安府棚北睦親坊南陳宅書籍  
鋪印一行

孟賓于序

李文山詩集三卷 明刊本

**唐李羣玉撰**

進詩表

延英口宣勅旨

大學士僕射令狐綯薦狀

制詞

中書侍郎兼戶部尚書平章事 臣 令狐綯宣奉

司勳郎中知制誥 臣 鄭處約行

唐劉蛻集六卷 明抄本

**唐劉蛻撰**

熊文舉序

吳讜序 天啟甲子

孫可之文集十卷 明正德刊本

**唐孫樵撰**

自序

王鏊序 正德丁丑

王諤跋 正德丁丑

唐皮日休文藪十卷

明正德刊本

唐皮日休撰

自序

咸通丙戌

柳開序曰讀皮子文其目曰藪凡藪者澤也又曰淵藪也以其事物萃集之也古國之大各有藪焉魯大野晉大陸秦陽陁宋孟諸楚雲夢吳越具區齊海隅燕昭余邴鄭圃田周焦護皆爲藪也謂是地之廣故以名之也魯晉秦宋楚吳越齊燕鄭周分里之不同各名以異之焉然一天地矣子謂皮子之名藪也疑爲以其文之眾

作之藪也又疑爲若魯晉秦宋楚吳越齊燕鄭周以其文類不同各爲藪也是文之類雖不同而曰藪亦若魯秦宋楚吳越齊燕鄭周之藪雖異而摠一天地也都以文而統之是曰文藪也疑而愛之觀其首又無所序說遂盡而讀之見其藪之爲意也霍山爲賦之藪首陽爲碑之藪隋鼎爲銘之藪易商君傳爲讚之藪周昌相趙爲論之藪陵母爲頌之藪心爲箴之藪移成均博士爲書之藪三羞爲詩之藪藪之于文不可盡舉

若九訊十原決疑雜著之類也

約其名幾尤者例而取之

也謂賦下大野之下國之藪焉霍山之下文之

藪也孰謂皮子文藪之義不曰是乎將不曰是

即不在此而在於彼也傳者得以取義焉

袁表題後 正德庚辰

文標集三卷

舊抄本

唐盧肇撰

子發諱肇姓盧氏宜春人子發字也唐武宗會  
昌二年以詞賦魁天下仕至集賢院學士歙州  
刺史歿後三百年郡人許衷集其遺文僅百篇  
目曰文標集傳筆日久序存而集亡文粹所載

海潮賦漢隄詩新興寺碑銘上王僕射書四篇  
而已其餘如通屈賦注大統賦志在藝文者學  
者亦罕見之自建中靖康辛巳迄紹興庚辰又  
六十年矣會建安邵公來守是邦崇鄉化以厚  
風俗謂宗說蒐綴闕文子職也既授以雲臺編  
廣其傳又俾求子發遺書得古律詩二十六篇  
于劉松宜陽集得閱城碑震山記于古廟欽岩  
中得劔贊于清江玉虛觀合賦序圖狀四十有  
二篇分爲上中下三卷名從其初序取其舊附  
以成應元舉榜祖擇之梅聖俞諸公盧石題詠

鏤木于郡庠以貽永久又論其出處之大槩而  
尾諸集焉子發少貧篤志好學器識宏邁而濟  
之以瑰奇拔出之材故其爲文馳騁上下偉麗  
可觀自長慶以來雖善鳴者罕有其比當時達  
官宿儒皆推重之然最爲相國李衛公所知當  
衛公再主魁柄炙手可熱子發廷試第一稍自  
求顯何爵不縻而乃韜晦州縣屢從外辟未嘗  
奔走于形勢之途迨咸通初通籍金閨出任牧  
守獻賦進狀結知九重雖其遇于命者不至于  
大用然比于阿附而得富貴至于失勢頓挫一

跌而不振者蓋有間矣則子發雖久窮亦何恨  
哉今郡之南修仁鄉有盧狀元書堂遺址存焉  
而東湖之石氣勢凌厲見者豁然有昂霄聳壑  
之志詩曰高山仰止景行行止此邦學者不志  
于古人則已儻有志焉舍子發其誰與歸宋紹  
興庚辰袁州教授南城童宗說序

